

王建權德興

王建詩集卷第二

律詩八十首

寄杜侍御

何須服藥覓昇天，粉閣為郎即是仙。
買宅但幽從索價，栽松取活不爭錢。
退朝寺裏尋荒塔，經宿城南看野泉。
道氣清凝分曉爽，詩情冷淡滴秋鮮。
學通儒釋三千卷，身擁旌旗二十年。
春巷偶過同戶飲，暖窗時語對牀眠。
破除心力緣書癖，傷損花枝為酒顛。
今日總來歸聖代，丈人先達幸相憐。

寄上韓愈侍郎

重登太學領儒流，學浪詞鋒壓九州。
不以雄名疏野賤，惟將直氣折王侯。
詠傷松桂青山瘦，取盡珠璣碧海愁。
敘述異篇經總別，鞭驅險句最先投。
碑文合遣貞魂謝，史筆應令詭骨羞。
清俸探將還酒債，黃金旋得起書樓。
參來擬設官人禮，朝退多逢月閣遊。
見向雲泉求住處，若無知薦一生休。

贈華州鄭大夫

此官出入鳳池頭，通化門前第一州。
少華山雲當驛起，小敷溪水入城流。
空閑地內人初滿，詞訟牌前草漸稠。
報狀拆開知足雨，赦書宣過喜無囚。
自來不說雙旌貴，恐替長教百姓愁。
公退晚涼無一事，步行攜客上南樓。

贈王樞密

一作中貴王樞密守澄宗姪也

三朝行坐鎮相隨，今上春宮見小時。
脫下御衣先賜著，進來龍馬每教騎。
長承密旨歸家少，獨奏邊機出

殿遲自是姓同親向說九重爭得外人知

早秋過龍武李將軍書齋

高樹蟬聲秋卷裏朱門冷靜似閑居重裝墨畫數莖竹長著香薰一架書語笑侍兒知禮數吟哦野客任
狂疎就中愛讀英雄傳欲立功勳恐不如

江陵即事

瘴雲梅雨不成泥十里津頭壓大堤蜀女下沙迎水客巴童傍驛賣山雞寺多紅藥燒人眼地足青苔染
馬蹄夜半獨眠愁在遠北看歸路隔蠻溪

題花子贈渭州陳判官

膩如雲母輕如粉艷勝香黃薄勝蟬點綠斜蒿新葉嫩添紅石竹晚花鮮鴛鴦比翼人初帖蛺蝶重飛樣
未傳況復蕭郎有情思可憐春日鏡臺前

送從姪擬赴江陵少尹

荊州少尹好閑官親故皆來勸自寬無事日長貧不易有才年少屈終難沙頭欲買紅螺盞渡口多呈白
角盤應向章華臺下醉莫衝雲雨夜深寒

華清感舊

塵到朝元邊使急千官夜發六龍迴輦前月照羅衫淚馬上風吹蠟燭灰公主粧樓金鎖澀貴妃湯殿玉
蓮開有時雲外聞天樂知是先皇沐浴來

九仙公主舊莊

仙居五里外門西石路親迴御馬蹄天使來栽宮裏樹羅衣自買院前溪野牛行傍澆花井本主分將灌
藥畦樓上鳳凰飛去後白雲紅葉屬山雞

郭家溪亭

高亭望見長安樹春草岡西舊路斜光動綠烟遮岸竹粉開紅艷塞溪花野泉聞洗親王馬古柳曾停貴
主車粧閣書樓傾側盡雲山新賣與官家

題金家竹溪

少年因病離天仗乞得歸家自養身買斷竹溪無別主散分泉水與新隣山頭鹿下長驚大池面魚行不
怕人鄉使到來常歎語還聞世上有功臣

題應聖觀

觀即李林甫舊宅

精思堂上畫三身迴作仙官度美人賜額御書金字貴行香天樂羽衣新空廊鳥啄花甎縫小殿蟲緣玉
像塵頭白女冠猶說得薔薇不似已前春

同于汝錫遊降聖觀

秦時桃樹滿山坡騎鹿先生降大羅路盡溪頭逢地少門連內裏見天多荒泉壞蘭朱砂暗古塔殘經篆
字訛聞說開元齋醮日曉移行漏帝親過

逍遙翁溪亭

逍遙翁在此徘徊帝改溪名起石臺車馬到春常借問子孫因選暫歸來稀疏野竹人移折零落蕉花雨
打開無主青山何所直賣供官稅不如灰

尋李山人不遇

山客長須少在時溪中放鶴洞中碁生金有氣尋還遠仙藥成窠見即移莫為無家陪寺食應緣將米寄
人炊從頭石上留名去獨向南峯問老師

題石甕寺

青崖白石夾城東泉脈鐘聲內裏通地壓龍蛇山色別屋連宮殿匠名同簷燈經夏紗籠黑溪葉先秋臘
樹紅天子親題詩總在畫扉長鎖碧龕中

早登西禪寺閣

上方臺殿第三層朝壁紅窗日氣凝烟霧開時分遠寺山川晴處見崇陵沙灣漾水圖新粉綠野荒阡暈
色繒莫說城南月燈閣自諸樓看總難勝

題江寺兼求藥子

隋朝舊寺楚江頭深謝師僧引客遊空賞野花無過夜若看琪樹即須秋紅珠落地求誰與青角垂階自
不收願乞野人三兩粒歸家將助小庭幽

題說法師院

三年說戒龍宮裏巡禮還來向水行多愛貧窮人遠請長脩破落寺先成秋天盆底新荷色夜地房前小

竹聲僧院不求諸處好轉經唯有一窗明

酬于汝錫曉雪見寄

欲明天色白漫漫打葉穿簾雪未乾
薄落階前人踏盡差池樹裏鳥銜殘
旋銷迎暖沾牆少斜舞遮春到地難
勞動更裁新樣綺紅燈一夜剪刀寒

從軍後寄山中友人

愛仙無藥住溪貧脫却山衣事漢臣
夜半聽雞梳白髮天明走馬入紅塵
村童近去嫌腥食野鶴高飛避俗人
勞動先生還相示別來弓箭不離身

寄汴州令狐相公

三軍江口擁雙旌虎帳長開自教兵
機鎖惡徒狂寇盡恩驅老將壯心生
水門向晚茶商鬧橋市通宵酒客行
秋日梁王池閣好新歌散入管絃聲

別李贊侍御

同受艱難驃騎營半年中聽揭槍聲
草頭送酒驅村樂賊裏看花著探兵
講易功夫尋已聖說詩門戶別來情
薦書自入無消息賣盡寒衣却出城

和蔣學士新授章服

五色箱中絳服春笏花成就白魚新
看宣賜處驚迴眼著謝恩時便稱身
瑞草唯承天上露紅鸞不受世間塵
翰林同賀文章出驚動茫茫下界人

歲晚自感

人皆欲得長年少無那排門白髮催一向破除愁不盡百方迴避老須來草堂未辦終須置松樹難成亦且栽漚酒願從今日後更逢三十度花開

昭應官舍

癡頑終日羨人閑却喜因官得近山斜對寺樓分寂寂遠從溪路借潺潺身多病唯親藥空院無錢不要關文案把來看未會雖書一字甚慙顏

寄舊山僧

因依老宿發心初半學脩心半讀書雪夜每常同席卧花時未省兩山居獵人箭底求傷雁釣戶竿頭乞活魚一向風塵取煩惱不知衰病日難除

武陵春日

尋春何事却悲涼春到他鄉憶故鄉秦女洞桃歆澗碧楚王堤柳舞烟黃波濤入夢家山遠名利關身客路長不似冥心叩塵寂玉編金軸有仙方

寄分司張郎中

一別京華年歲久卷中多見嶺南詩聲名已壓衆人上愁思未平雙鬢知江郡遷移猶遠地仙宮榮寵是分司青天白日當頭上曾有求閑不得時

上陽宮

上陽花木不曾秋，落水穿宮處處流。畫閣紅樓宮女笑，玉簫金管路人愁。幔城入澗橙花發，玉輦登山桂葉稠。曾讀列仙王母傳，九天未勝此中遊。

李處士故居

露濃烟重草萋萋，樹映闌干柳拂隄。一院落花留客醉，半窗殘月有鶯啼。芳筵想像情難盡，故樹荒涼路欲迷。風景滿前人不改，却驚門外馬頻嘶。

贈賈島

盡日吟詩坐忍飢，萬人中竟似君稀。門當古巷風偏入，驢放秋原夜不歸。迎暖併收新落葉，欲寒重著舊生衣。曲江北岸時時到，為覓鸕鷀兩翼飛。

維揚冬末寄幙中二從事

江上數株桑棗樹，自從離亂更荒涼。那堪旅館經殘臘，祇把空書寄故鄉。典盡客衣三尺雪，鍊精詩句一頭霜。故人多在芙蓉幙，應笑孜孜道未光。

上武元衡相公

旗旌坐鎮蜀江雄，帝命重開舊閣崇。褒貶唐書天曆上，捧持堯日慶雲中。孤情迴出鸞皇遠，健思潛搜海岳空。長得蕭何為國相，自西流水盡朝宗。

上張弘靖相公

傳封三世盡河東，家占中條第一峯。早歲天教作霖雨，明時帝用補山龍。草開舊路沙痕在，日照新池鳳

跡重卑散自知霄漢隔若為門下賜從容

上裴度舍人

小松雙對鳳池開履跡衣香遍上台天意皆從彩豪出宸心盡向紫烟來非時玉案呈宣旨每日金階謝賜迴仙侶何因記名姓縣丞頭白走塵埃

上杜元穎相公

學士金鑾殿後居天中行坐侍龍興承恩不許離牀謝密詔長教倚案書馬上喚遞紅嘴鴨船頭看釣赤鱗魚開曹散吏無相謝猶記荊州拜謁初

贈盧汀諫議

青蛾不得在牀前空室焚香獨自眠功證詩篇離景象藥成官位屬神仙閑過寺院長街夜立送封章直上天近見蘭臺諸吏說御詩新集未教傳

賀楊巨源博士拜虞部員外

合歸蘭署已多時上得金梯亦未遲兩省郎官開道路九州山澤屬曹司諸生拜別收書卷舊客看來讀制詞殘著幾丸仙藥在分張還遣病夫知

贈郭將軍

承恩新拜上將軍當直巡更近五雲天下表章經院過官中語笑隔牆聞密封計策非時奏別賜衣裳到處薰向晚臨階看號簿眼前風景任支分

贈田將軍

初從學院別先生便領偏師得戰名大小獨當三百陣縱橫祇用五千兵迴殘匹帛歸天庫分好旌旗入禁營自執金吾長上直蓬萊宮裏夜巡更

贈胡汪將軍

書生難得是金吾近日登科記總無半夜進儼當玉殿未明排仗到金壺朱牌面上分官契黃紙頭邊押勅符恐要蕃中新道路指揮重畫五城圖

村居即事

休看小字大書名向日持經眼却明時過無心求富貴身閑不夢見公卿因尋寺裏薰辛斷自別城中禮數生斜月照房新睡覺西峯半夜鶴來聲

留別田尚書

擬報平生未殺身難離門館起居頻不看匣裏釵頭古猶戀機中錦樣新一代甘為漳岸老全家却作杜陵人朝天路在驪山下專望紅旗拜舊塵

送唐大夫罷節歸山

年少平戎老學仙表求骸骨乞生全不堪腰下懸金印已向雲西寄玉田旄節抱歸官路上公卿送到國門前人間雞犬同時去遙聽笙歌隔水烟

送司空神童

杏花壇上授書時不廢中庭趁蝶飛暗寫五經收部秩初年七歲著衫衣秋堂白髮先生別古巷青襟舊
伴歸獨向鳳城持薦表萬人叢裏有光輝

送振武張尚書

迴天轉地是將軍扶冊春宮上五雲撫背恩雖同骨肉擁旄名未敵功勳盡收壯勇填兵數不向蕃渾奪
馬羣閑即單于臺下獵威聲直到海西聞

送吳諫議上饒州

鄱陽太守是真人琴在牀頭錄在身曾向先皇邊諫事還應上帝處稱臣養生自有年支樂稅戶應停月
進銀淨掃水堂無侍女下衙唯共鶴殷勤

贈闕少保

髭鬚雖白體輕健九十三來却少年問事愛知天寶裏識人皆是武皇前玉裝劍珮身長帶絹寫方書子
不傳侍女常時教合藥亦聞私地學求仙

送魏州李相公

百代功勳一日成三年五度換雙旌閑來不對人論戰難處長先自請行旗下可聞誅敗將陣頭多是用
降兵當朝面受新恩去筭料妖星不敢生

贈索暹將軍

渾身著箭痕猶在萬槊千刀總過來輪劍直衝生馬隊抽旗旋踏死人堆聞休鬪戰心還瘡見說烟塵眼

即開淚滴先皇階下土南衙班裏趨朝迴

贈王屋道士趙詔

玉皇符到下天壇玳瑁頭簪白角冠鶴遣院中童子養鹿憑山下老人看法成不怕刀梯利體實常欺石榻寒能斷世間腥血味長生只要一丸丹

贈王處士

松樹當軒雪滿池青山掩障碧紗帷鼠來案下長偷水鶴在牀前亦看碁道士寫將行氣法家童授與步虛詞世間有似君應少便乞從今作我師

洛中張籍新居

最是城中閑靜處更迴門向寺前開雲山且喜重重見親故應須得得來借倩學生排樂舍留連處士乞松栽自君移到無多日牆上人名滿綠苔

題裴處士碧虛溪居

鳥聲真似深山裏平地人間也不同春園紫片長卓卓暖泉青草一叢叢松臺前後花皆別竹崦高低水盡通細問來時從近遠溪名載入縣圖中

送阿史那將軍安西迎舊使靈櫬

漢家都護邊頭沒舊將麻衣萬里迎陰地背行山下火風天錯到磧西城單于送葬還垂淚部曲招魂亦道名却入杜陵秋巷裏路人來去讀銘旌

贈崔禮駙馬

鳳凰樓閣連宮樹天子崔郎自愛貧金埒減添栽藥地玉鞭平與賣書人家中絃管聽常少分外詩篇有
即新一月一迴陪內宴馬蹄猶厭踏香塵

贈太清盧道士

上清道士未昇天南嶽中華作散仙書賣八分通字學丹燒九轉定人年修行近日形如鶴導引多時骨
似綿想向諸山尋禮偏却迴還守老君前

送宮人入道

休梳叢鬢洗紅粧頭戴芙蓉出未央弟子抄將歌徧疊宮人分散舞衣裳問師初得經中字入淨猶燒內
裏香發願蓬萊見王母却歸人世施仙方

上李吉甫相公

聖朝齊賀說逢殷霄漢無雲日月真金鼎調和天膳美瑤池沐浴賜衣新兩河開地山川正四海休兵造
化仁曾向山東為散吏當今實憲是賢臣

上李益庶子

紫煙樓閣碧紗亭上界詩仙獨自行奇險驅迴還寂寞雲山經用始鮮明藕綃紋縷裁來滑鏡水波濤濾
得清昏思願因秋露洗容階下禮先生

題元郎中新宅

近移松樹初栽藥經帙書籤一切新鋪設暖房迎道士支分閑院著醫人買來高石雖然貴入得朱門未免貧雖有好詩名字出倍教年少損心神

初授太府丞言懷

除書亦下屬微班喚作官曹便不開檢校事多關市并聽人言不在雲山病童喚著唯行慢老馬鞭多轉放頑此去仙宮無一里遙看松樹衆家攀

贈李愬僕射

唐州將士死生同盡逐雙旌舊鎮空獨破淮西功業大新除隴右世家雄知時每笑論兵法識勢還輕立戰功次第各分茅土貴殊勳併在一門中

書贈舊渾二曹長

二年同在華清下入縣門中最近鄰替飲觥籌知戶小助成書屋見家貧夜暮臨散停分客朝浴先迴各送人僮僕使來傳語熟至今行酒校殷勤

上崔相公

枯桂衰蘭一編春唯將道德定君臣施行聖澤山川潤圖書天文彩色新開閣覆看祥瑞曆封名直進薛蘿人應憐漸老無知己自別溪中滿鬢塵

寄楊十二秘書

初移古寺正南方靜是浮山遠是莊人定猶行背街鼓月高還去打僧房新詩欲寫中朝滿舊卷常抄外

國將開出天門醉騎馬可憐蓬閣祕書郎

謝田贊善見寄

五侯三任未相稱頭白如絲作縣丞錯判符曹羣吏笑亂書巖石一山憎自知酒病衰腸怯遙怕春殘百鳥凌年少力生猶不敵況加顛顚悶騰騰

晚秋病中

萬事風吹過耳輪貧兒活計亦曾聞偶逢新語書紅葉難得閑人語白雲霜下野花渾著地寒來溪鳥不成羣病多體痛無心力更被頭邊樂氣薰

薛二十池亭

每箇樹邊消一日遠池行匝又須行異花多是非時有好竹皆當要處生斜豎小橋看鳥勢遠移山石作泉聲浮萍著岸風吹歇水面無塵晚更清

故梁國公主池亭

平陽池館枕秦川門鎖南山一朵烟素柰花開西子面綠榆枝散沈郎錢裝簷玳瑁隨風落傍岸鷓鴣逐暖眠寂寞空餘歌舞地玉簫聲絕鳳歸天

題柱國寺

皇帝施錢修此院半居天上半人間丹梯暗出三重閣古像斜開一面山松柏自穿空地少川原不稅小僧閑行看天使長相續早起離城日午還

昭應官舍書事

縣在華清宮北面曉看樓殿正相當慶雲出處依時報御果呈來每度嘗臘月近湯泉不凍夏天臨渭屋多涼兩衙早被官拘束登閣巡溪亦屬忙

昭應李郎中見貽佳作次韻奉酬

窗戶風涼四面開陶公愛晚上高臺中庭不熟青山入野水初晴白鳥來精思道心緣境熟羸疎文字見詩迴諸生圍繞新篇讀玉闕仙官少此才

閑說

桃花百葉不成春鶴壽千年也未神秦隴州緣鵲鵲貴王侯家為牡丹貧歌頭舞徧迴迴別鬢樣眉心日日新鼓動六街騎馬出相逢總是學狂人

自傷

衰門海內幾多人滿眼公卿總不親四授官資元七品再經婚娶尚單身圖書亦為頻移盡兄弟還因數散貧獨自在家常似客黃昏哭向野田春

田侍中宴席

香薰羅幕暖成烟火照中庭燭滿筵整頓舞衣呈玉腕動搖歌扇露金鈿青娥側座調雙管彩鳳斜飛入五絃雖是沂公門下客爭將肉眼看雲天

寒食日看花

早入公門到夜歸不因寒食少閑時顛狂逸樹猿離鎖跳躑緣岡馬斷羈酒污衣裳從客笑醉饒言語覓
花知老來自喜身無事仰面西園得詠詩

和少府崔卿微雪早朝

蓬萊春雪曉猶殘點地成花遠百官已傍祥鸞迷殿角還穿瑞草入袍欄無多白玉階前濕積漸青松葉
上乾粉畫南山稜郭出初晴一半隔雲看

和胡將軍寓直

宮鴉棲定禁槍攢樓殿深巖月色寒進狀直穿金戟梁探更先傍玉鉤欄漏傳五點班初合鼓動三更仗
已端遙見正南宣不坐新栽松樹喚人看

春日五門西望

百官朝下五門西塵起春風過御堤黃帕蓋鞍呈了馬紅羅繫項鬪迴雞館松枝重墻頭出御柳條長水
面齊唯有教坊南草綠古苔陰地冷淒淒

長安早春

霏霏漠漠遠皇州銷雪欺寒不自由先向紅裝添曉夢爭來白髮送新愁暖催衣上縫羅勝晴報窗中點
綵毬每度暗來還暗去今年須遣蝶遮留

早春病中

日日春風階下起不吹光彩上寒株師教絳服襯衰月妻許青衣侍病夫健美人家多力子祈求道士有